

În véye sciencu
poi Pierre Mathiot, décembre 2002

C' était în duemoeune, lai vèpraie, qu' èl y piovaie dru, èl étint dûe tras véyes traine-sais que distiutînt, bîn en lai sôte, chu lai pôche de grange di Fridli que se demenaie quement în bé diale : c' était în véye sciencu que veuillaie tôedge avoi râson.

-- Vos êtes dje véye père Fridri que li dyt lou gros Boczizi.

-- Y sos de veute doux.

-- Tiens vos ais veute ans de moeu que Victor Hugo.

-- Tiu ?

-- Victor Hugo.

-- Y ne coeugnos pé ç't' hanne lai.

-- Allons, allons, mais si que vos lou ceugnotes.

-- Ma foi nian, y n' en ai djanmais entendu casaie.

-- Et n' a pé possible, voyons, voyons, père Fridli tout lou velaidge pot vos casaie de lu et lou pus pete nitiait de l' école pot vôs dire ce qu' à Victor Hugo.

Lou véye Fridri que musaie dâ în moment en se graittant l' oroye se revire tout d' în cô vée les âtres.

-- Oh ! pou chur qu' è n' a pe de Bounais !